

اسلام مجموعہ

شعاری : «دینی بر حیات ، حیاتی بر دینہ» و...

پیل ۳ صای ۴۸ ۱۲ محرم ۱۳۳۰ مدیری : حلیم ثابت
۲۷ ترمین اول ۱۳۳۲

جلد : ۴

تقیط و تقریر

قاموس فلسفہ ... [محترم رضا توفیق بک طرفدن یازیلان قاموس
فلسفہ نك تنقیدی]

منصوری زاده سعید

ادبیات

کویندن کلپورم [۲۳ آیازماناده آغلادیقندن شکره ...]

اسپارطه بمعونی

حق

اسلام اہمترامیانی

دین و شریعت [اسلامیلہ مدنیت عصریہ نك تمامیتلہ قابل ائتلاف اولدینی]
(طنیندن)

کوک آلب ضیا

نسخہ سی ۶۰ بارہ در

توزیع یری زمان کتب خانہ میدور

نجم استقبال مطبعہ سی

كىتىز بريول (دىيورلر . شكر الله ، بن تمام قاعته اينانمشم : بويول هم ايلرى كيدمك ، هم بزي ايلرى كوتورمك . بن ينه اينانمشم كه (اوللاز) دىنلرده ، (اولور) دىنلرده بيلمه يورك بيلهرك ، ايسته مه يورك ايسته يورك ، بوزارق ياپارق ، ديك تميزلنمسه ، سيلكىنمسه خدمت ايدورلر ؛ ديل ياواش ياواش حاضر لانيور . هم چوق كجه يهك ، بو قازا كلق كجهك صوكنده بركونش طوغاجق ؛ قازا كلقردن كونش طوغاركي ، بويوك اديب كلهك ؛ بو كيمسه سز ، ئوكسوز ملتي طوتوب قالد يراجق . ايلك بريسي ايدمك .. هم دم چوق ياقينده . ايسته اللهك عنايتله ، دوست دوشمان فرقده اولارق اولمايارق اونك يولنى آچوب طوريورز .

كوكلم كوكلكار قادار آچلمش ، ككيشله نمشدى . اوخ ، ديوردم ؛ الحمد لله ، ديوردم ؛ بوسرده آكلادم كه اسپارطهك كنارينه ، چاي بوينه ككشديك . تمام بزييلدر جامعلرى ، قهلىرى ، منارلرى برلرده باتان زلزله آرتيني شهر ك بوجوار محله جكرنده كي مسجدلردن ، الله اكبر ، الله اكبر ياتى اذانلرى يوكه ليوردى . كوكم برداها ايمانله قاباردى . يارى ، ديدم ؛ بزي دها چوق بلكه نه ؛ قورتارمى شاعرمى . يوللا ... اى بويوك شاعرمز ، ديدم ، آرتيق سنده كل ؟ كلده . كوز باشلرمى الماس كي قوللان . قاتمزدن بارلاق بارلاق بويالر چيقار ؛ بنم طوبراغله ده قالد يراجك بنايه جامير ياپ ! ...

اسپارطهلى حقى

اتحاد و ترقى قونغرمسى

— ۶ —

بوسنه كي اتحاد و ترقى قونغرمسى ، اجرا ايتديكي علمى مناقشه نتيجه سنده ، فرقهك خصوصى ونكي تشخيص ايتيرن صميمى برقاعت اظهار ايتدى ؛ بوقاعتك روحى ، اسلاميتله مدنيت عصريةك تماميله قابل اشتلاف اولديفنه اعتماددو . ملكتمزده اوتبندن برى بوقاعته مالك ذوات اكسيك دكلدى . بونلك

باشنده نامق کال ایله جودت پاشایی ذکر ایده بیلیرز . فقط ، بوفکرک عکسنه اینانان برزمرده موجود ایدی . بوزمره نك زعمنه کوره ، اسلامیت هیچ برزمان مدنیت عصریه ایله ائتلاف وامتزاج ایدمه چکدی . خریبی شورا - سیدر که بوزمره ، بری برینک تمامیه ضدی اولان ایکی مابین حزبی محتویدر . نظر یاتده عینی مقدمه ایله باشلایان . بوایکی حزب ، عملیاتده بوس بوتون متضاد نتیجه لره واصل اولیورلردی . بوحزبلردن برینه (اوروپا متعصلری) ، دیگرینه (مدرسه متعصلری) دییه بیلیرز .

متعصب . آوروپاچیلره کوره ، مادام که اساسات اسلامیه مدنیت طایفه ایله ائتلاف ایدمه چک ، احوالده بوا اساساتی تمامیه ترك ایدمه ترك مادی معنوی بوتون وارلغیزی آوروپا مدنیتیه انطباق ایتدیرمه من لازم کلیر . متعصب مدرسه چیلر ایسه بونک عکسنی دوشوتیوردی : مادام که ، مدنیت عصریه نك اسلامی اساسلره ائتلافی ممکن دکلدیر ؛ احوالده بومد . نيتک بوتون عناصرندن تیری ایدمه ترك عنفات موجوده مزله اکتفا ایتمه من اقتضا ایدر . کورولیور که بوحزبلرک ایکیسی ده اجتماعی شایندن اوزاق ، پک اوزاق بولونیورلر . ملتیز نه مقدس دینندن واز کچه بیلیر ، نه ده حیات عصریه نك ایجابات ضروریستدن تیردایده بیلیر . مقتضای حکمت ، بوایکی نعمتندن برینی دیگرینه فدا ایتمک دکل ، بلکه اولاری بری بريله تالیفه چالیشمقدیر . ایسته ، اتحادوترقی قونعره سی ، بوحکیمانیه مسلکی قبول ایدمه ترك بوسته کی پروغرامی ایله تطبیقاته باشلامشدر .

سیاسی برفرقه نك وظیفه سی منتظم وقوتلی بردولت تشکیلاتی میدانیه کتیرمکدر . اتحادوترقی فرقه سی بومعده یی شعاراتحاد ایدمجه دولت حقه ده کی تلقینی ده وضوح کسب ایتمش اولدی . آرتق ، بوفرقة نك غایه سی عینی زمانده هم اسلامی ، همده عصری بردولت تشکیله چالیشمقدن عبارت اوله بیلیر . چونکه مدنیت عصریه نك اسلامیتله قابل تالیف اولدیغنی قبول ایدن بره مت ، اسلامی بردولتک عینی زمانده عصری بردولت ماهیتی آله بيله چکنی ، یاخود تعیر آخرا له ، عصری بردولتک عینی زمانده اسلامی

بر دولت انسانانه استناد ایده بیه جکی قبول ایتک مجبوریتده قالیر . لکن ، مع التأسف ، تجدید یولده ایلك آدمیلری آتان تنظیملر بوسورتله دوشونمه مشلر ، بویولده حرکت ایتمه مشلردی . اونلر ، عثمانلی غصری بر دولت حانه قویغه جالب مشلر ، فقط یا کلش اجتهاد لر یله دولتی ده اچوق غیر غصری رخاله کثیر دکاری کی اسلامی دولت شکندرده بوس بوتون چقار مشلردی . بناء علیه اتحاد وترقی تجدید یولده سانی اولان تنظیمات جریانک کور کوریه بر معقی اولقی دکل ، بلکه اونک خطالری آریوب بولقله دوغری یولک زده اولدیتی میدانه چقارمق وظیفه سیله مکلفدی . تنظیملرک برنجی خطاسی ، خلافت اسلامی ایه دولت اسلامی ک آری آری شیر اولدیفه ذاهب اوللریدر . حال بوکه اسلامیتده ، خلیفه ، دولتک ریاست سیاسی حائز اولان ذات اولوب خلافت تشکیلاتی دولت تشکیل تندن عبارتدر . سلطنت ، امام ماوردینک (احکام سلطانیه سی) ندن آکلاشیلدینی وجهله خلافتک صفت حکمرانی Souveraineté اولوب قطعاً اوندن آری برشی دکلدی . (سلطان - Souverain) معناسه اولوب خلیفه بالذات سلطاندر . بناء علیه تنظیملرک ظن ایتدی کی خلافت ایه سلطنت عینی ذاتده اجتماع ایتش بری برندن آری صفتلر دکلدی . صدر اعظم ، خلافت مقامده مستقل بر ماهیتی حائز ظن اولونان سلطنت مقامک وکیل مطلق دکل ، بالذات خلیفه نک وکیل مطلقدر و حامل بولوندینی مهر هایون خلفای عباسیه زماننده وزیر لر مودوع بولونان خاتم خلافتدر . خلافتی قاتولیکلرک بابا لقی مقامی کی روحانی بر ریاسته تشبیه ایده رک شیخ الاسلامی بومقامک وکیل مطلق ظن ایتک شرع شریف نقطه نظر ندن فایت فاحش بر خطا در .

تنظیملرک ایکنجی خطاسی ده ایککی نوع حق قضانک موجودیتی زعم ایتلریدر . اونلر کوره ، خلافت ایه سلطنت بر ذاتده مجتمع ، فقط بری برندن آری ایککی مستقل قوت اولدینی کی خلافتک باشقه حق قضاسی ، سلطنتک باشقه حق قضاسی اولوب برنجی خلافتک وکیلی اولان مشیخته ، ایکنجیددی سلطنتک وکیل اولان صدارت مودوع اولقی لازم

کلیه . بونظر به استناد آدرکه ۱۲۵۲ تاریخده قاضیسکرلری واستاتبول قاضیسی باب مشیخته نقل ایتدیلر . قضاة شرعیه قاضیسکرلره مربوط بولوندیغی ایچون بونلرک اورایه انتقالیه باب مشیخته قاضیلرک مرجع رسمیسی حکمه یکدی حالوکه بوتاریخه قدر قاضیسکرلر وعلی العموم قاضیلر صدراعظمه مربوط ایدی . چونکه اسلامیتده ایکی نوع حق قضا موجود اولمادیغی کی اقا و قضا صفتلری ده عینی ذاتده اجتماع ایده مزدی . حق قضا منحصر آ خلیفه به عائد اولوب خلیفه نل وکیل مطلق ده منحصر آ صدراعظم ایدی . قاضیلر خلیفه نل وکیللری اولوب اونلک نامنه اجرای قضا ایلدکلری ایچون وکیل مطلق طرفدن انتخاب وانها اولونه زق کندیسی جانبدن تعین ایدیلرلردی . مقتیره کلنجه ، بونلر قاضیلر کی خلیفه نل مأمورلری اولما یوب اوامر آلله نل مبلغلری ایدیلر . یناء علیه موقعلری فایت عالی اولوب دنیوی هیچ بر آمرک مأموری اوله مازلردی . بزاتده عینی زمانده اقا ایله قضا اجتماع ایتدیکی کی امام اعظم حضر تلیله زیدلی علی اقدی مفتیک مقامندن قاضی القضا تاق و قاضیسکرلک مقامه کیمه نی قبول ایتمه مشلردی . بومثالر مقام افاتانک نظر اسلامده نه قدر عالی و مقدس اویتغی ارانه به کافیر . مفتی ایله قاضینک ایکسی ده احکام فقهیه یی رهبر اتخاذ ایتدکلری حالده آرازلنده کی بوتفاوت قیمتک سببی نه در؟ بونلک سببی احکام فقهیه نل دیانی و قضائی ناملریله ایکی قسمی حاوی اوله سی و مفتیلر احکام دیانیه نل حسب آله مبلغلری اولدیغی حالده قاضیلر احکام قضائیه نل اجراسنه حسب الوکاله مامور بولونه لریدر . احکام دیانیه قوه مؤیده سی منحصر آ اخروی اولان تکالیف دینه در ، احکام قضائیه ایسه دنیوی بر قوه مؤیده به مالک اولان تکالیف دینه در . یناء علیه احکام قضائیه ، (دینی احکام) جنسک داخلنده ایسه ده (دیانی احکام) نوعنک خارجنده مستقل بر نوعدر . احکام قضائیه بوکونکی اصطلاحه کوره حقوق نامی وریدیکمز قاعده لر در . او حالده اسلامیتده ، حقوق ، احکام دینه دن معدود ایسه ده احکام دیانیه دن معدود دکلدر .

مابعدی وار